

MEDICAMEN-
TORVM OFFICINIS

Pharmaceuticis Reip. Augu-
stanæ vſitatorum.

CLASSIS NONA.

PVLVERES MEDICA-
tos, eorundemque Composi-
tiones explicans, inter quos
purgantes primam con-
ſtituunt aciem.

PVLVIS SENÆ PRÆ-
pararæ, Montagnanæ.

℞ Foliorum Senæ vnciam vnā ſemis,
Zingiberis,
Macis. ana. drachmas tres.
Cinamomi,
Tar-

Tartari, ana. drachmam vnam semis.

Fiat Puluis.

A Dustos & retorridos humores Melancholicumq; succum hoc Puluere purgamus, serosam aquarum colluuiem exhaurimus, pituitam falsam & putrilaginem iam conceptam deturbamus, eoq; nomine cutis feditatem, scabiem, Lepram, ceterasq; eius generis sordes eluimus. Sumpta est formula ex remediorum penu Montagnana, cui etiam capitis purgandi vires attribuit.

Q Vidam Anisum addunt drachmæ pondere, alii Tartarum augent: prudenti cuiq; suum sit hac de re iudicium. Nos huic formulæ assueti felix sic Medicamentum experti sumus.

Consimile ferè Medicamentum in ore Medicorum circumfertur sub nomine Pulueris Tartari preparati, qui ab aliquibus sic constituitur.

℞ Tartari albi,

Senæ selectissimæ ana. vnciam vnam.

Diagrydii drachmas duas.

Seminis Anisi,

Cinamomi electi,

Galangæ ana. drachmam vnam.

Caryophyllorum drachmam semis.

Misce, fiat Puluis.

Priore longè valentior: pituitam & bilem, succumq; Melancholicum, & adustos ac retorridos humores

*humores purgat. Eius descriptionem Clarissimus
Vir D.D. Philippus Höchstetterus Collega noster
perquam honorandus ab autore sibi traditam
nobis communicavit.*

PVLVIS SOLVTIVVS de tribus.

℞ Foliorum Senæ drachmas sex.
Turbith drachmas quatuor.
Rhabbarbari drachmas duas.
Glycyrrhizæ,
Sem. Anisi,
Fœniculi. ana. drachmam vnā.
Spicæ Indicæ scrupulum semis.
Fiat Pulvis.

Inscribitur hic Pulvis de Tribus, ob tria Sim-
plicia purgantia quæ eius compositionem ingre-
diuntur, Rhabbarbarum nempe, Turbith, & folia
Senæ. Confert autem hepatis & venarum mesen-
tericarum obstructionibus, Hydropi incipienti, ac
ventris inflationibus: crudorum quoque humorum
frigidorum maxime collectionem e ventriculo &
mesenterio eicit; & Diaphœnici vires emulatur.

PVLVIS SOLVTIVVS Magistralis, Stokstaldi.

℞ Turbith electi vnciam semis.
Cinamomi,

Zin-

Zingiberis. ana. drachm. duas,
 Caryophyllorum,
 Cardamomi,
 Galangæ,
 Mastiches. ana. drach. semis.
 Sem. Anisi drachmam vnam.
 Hermodactylorum,
 diagrydii,
 Foliorum Senæ. ana. drachmas quatuor.
 Sacchari vncias tres.
 Fiat Pulvis.

H Tropici ac veteri Ictero fœdatis opitula-
 tur, pituitam namq; & bile purgat, esiq; Me-
 dicis nostris frequenti usu familiaris. Datur à
 scrupulis duobus ad quatuor in robustioribus. De-
 scriptionem eius vide in Valeſco.

PVLVIS AD SVPPRO- sitoria communia.

℞ Aloës drachmas duas.
 Cumini,
 Salis Gemmæ,
 Rutæ. ana. drachmam vnam.
 Fiat Pulvis, qui subigatur cum sufficiēti quan-
 titate Mellis, & redigatur in glandes.

ALIVS ACVTIOR.

℞ Aloës vnciam semis,
 Hellebori albi,

Gra-

Granorum Colocynthidos.

Centaurii,

Cumini,

Rutæ. ana. drachmam vnam.

Fiat Pulvis, qui Melle subactus effingatur in glandes, seu suppositoria.

PVLVIS AD SV PPO- fitoria ficca.

Specierum Hieræ Pieræ vnciam vnam semis.

Colocynthidos pulu. drachmas sex.

Hellebori albi pulu. vnciam vnam.

Salis communis vncias tres.

Farinæ frumenti vncias decem & octo.

Cum vitello ouorum, & Melle despumato quantum sufficit, fiant suppositoria.

NOtandum, tametsi Suppositoria hæc aluum sollicitent, ac sedes remorantes euocent, ea tamen mulieribus grauidis haudquam tuta existere, prout nec ijs quibus hæmorrhoides molestæ esse solent; his enim vel leuissima ex solo Melle, vitello oui, ac modico sale confecta sufficiunt: quibus acuendis nonnulli Muscerdam, hoc est, murum steræ paucâ quantitate. induunt.

PVL-

PVLVIS AD VERMES seu Lumbricos.

- ℞ Sem. sancti vncias quatuor.
Foliorum Senæ vnciam vnam.
Coriandorum præparatorum.
Cornu cerui. ana. drach. semis.
Fiat Pulvis.

Is est Officinis nostris vsitatus, aliis alii sunt in vsu, Venetorum, Ferrariensium, Nursini, & aliorum qui requirit, consulat Fœsii Phamæop. Sect. 9. de Pulueribus.

Semen sanctum, est semen Absinthii Seriphii, quod alias Santonicum dicitur. Officina semen hoc passim vocant semen Lumbricorum, quod ipsum vulgus Wurmsamen appellat, eò quod, id vermes & Lumbricos euocare ac expellere sit edoctum.

PVLVIS CONTRA Abortum.

- ℞ Granorum Chermes drachmam vnam.
Santali rubri drachmam semis.
Caryophyllorum scrupulum vnum.
Nucis Moschatæ scrup. duos.
Rad. Torment. drach. semis.
Margarit. præparat.

Coralli

Coralli vtriusque præparati ana. scrupulum
vnum.

Foliorum Auri numero tria.

Manus Christi perlatae drach. tres.

Fiat Pulvis.

Datur gravidis ad præcauendum abortum
ex ouo sorbili, vel vino odorifero, idq; non
vnâ tantum vice sed sæpius, pondere scrupuli di-
midii, vel etiam vnius; aut admiscetur Trageis,
pregnantibus vsui futuris.

Clarissimus Vir D. D. Ioan. Vdalricus
Rumlerus, Collega noster obseruandus
ex priorum Medicorum August. traditione se-
quentem Pulueris contra Abortum descri-
ptionem in hanc Pharmacopœiam fideliter
contulit. Ea sic habet.

✶ Rosarum rubearum,
Mastiches,
Ligni Aloës,
Margarit. præparat.
Corall. rub. præpar. ana scrupulum semis.
Spicæ Indicæ,
Macis,
Been vtriusque,
Cinamomi electi,
Santali Citrini,
Cardamomi minoris,

Y

Suc-

Succini albi. ana. grana. quindecim.

Fiat Pulvis.

Ex hoc additis Sacchari albissimi vnciis tribus
Tragema paratur, quod grauidis à pastu ma-
gnâ utilitate exhibetur.

*Pro Saccharo communi Saccharum Rosatum
Tabulatum nonnunquam assumitur, aut confectio
Manus Christi perlata.*

PVLVIS ADSTRIN- gens Galeni.

☞ Aloës,
Mannæ Thuris,
Corticum Pini,
Terræ Lemniæ,
Boli Armeni,
Lapidis Hæmatitis,
Succi Hypocistidis.
Crocī,
Gallæ Omphacit. ana. drachmam vnā.
Fiat Pulvis.

PVLVIS ANONYMVS.

☞ Sem. Papaueris albi drachmas duas.
Portulacæ,
Cydoniorum,
Maluæ,

Bom-

Bombacis. ana. drachmam vnam semis.
Quatuor Sem. frig. major ex cort. ana. drachmam vnam.

Gummi Arabici,

Tragacanthæ,

Amyli. ana. drachmas duas.

Hypocistidis,

Boli Armeni Orientalis præparati,

Cornu cerui vsti,

Rasuræ Eboris,

Cicerum rubrorum. ana. drachmam semis.

Cinamomi drachmas duas.

Penidiorū vnciam vnā semis.

Sacchari Canariæ vncias sex.

Misce, fiat Puluis,

TAbidis Phibificisq; prodest; ulcera enim pulmonum lenit, abstergit, & glutinat: tenues ac falsos catarrhos sistit & incrassat, faucium asperitatem mitigat, ac defluxiones acres ad pulmones deuolui prohibet.

Nonnulli huic Liquiritiam, Rosas, semen Altheæ, Corallos, Species Diatragacanthi frigidi, aut pulmonis vulpis præparati nonnihil addunt; verum hæc pro varia Medici prudentis intentione quocunq; tempore, adijci possunt.

Y 2

Simi.

Similis ferè Pulvis extat descriptus apud Valerium, Pulvis Haly dictus, easdem vires cum priorè obtinens; cuius descriptio hæc est.

- ℞ Sem. Papaveris albi drachmas quinque.
 Gummi Arabici,
 Amyli,
 Tragacanthæ ana. drachmam vnam semis.
 Sem. Portulacæ,
 Gossypii,
 Althææ,
 Maluæ ana. drachmas duas semis.
 Quatuor Sem. frig. maior. excorticatorum,
 Cydoniorum mundatorum ana. drachmas tres semis.
 Spodii præparati,
 Succu Liquiritiæ, vel potius pulueris eius.
 ana. drachmam vnam semis.
 Penidiorum ad pondus omnium,
 Misce, fiat Pulvis.

Notandum, Pulverum horum semina frigida continentium non nimiam, unâ vice quantitatem præparari debere, ne Pulvis diuturniore situ euadat rancidus.

PVLVIS BEZOARDI- cus. D. Nicolai Præpositi.

- ℞ Boli Armenicum aceto præparati vncias tres.

Terræ

Terræ Sigillatæ,
 Coriandri præparati,
 Specierum Diamarg. frig.
 Rad. Tormentillæ,
 Dictamni vulgaris,
 Angelicæ,
 Scabiosæ ana. drachmas duas.
 Sem. Acerosæ,
 Citri mundati,
 Rutæ,
 Cardui Benedicti,
 Cornu cerui vsti,
 Doronici Romani,
 Charabæ ana. scrupulos quatuor.
 Rosarum rubearum,
 Corallii vtriusque,
 Ligni Aloës,
 Serici crudi,
 Santalorum omnium,
 Margaritarum perforatarum,
 Ossis è corde cerui. ana. drachmam vnam.
 Smaragdorum,
 Ambre ana. scrupulos duos.
 Moschi scrupulos quatuor.
 Croci grana quindecim.
 Camphoræ grana decem.
 Fiat Pulvis, vel cum Syrupo è Ribes fiat in
 modum Opiatæ.

Y 3

Aduer-

Aduersus pestifera luis insultus efficax, cordis vires eximie tuctur, spiritus vitales fulcit, internas putredines abolet, & contagiosis quibuslibet morbis aduersatur.

PVLVIS ELECTVA rii de Bolo.

R Bol Armeni purissimi loti aquâ rosarum vnciam semis.

Rad. Tormentillæ,

Angelicæ. ana. drachmas duas.

Coralli rubri,

Rasuræ Eboris,

Cornu cerui,

Rosarum rubrarum. ana. drachmam vnam
& semis.

Sem. Melonis,

Acetosæ,

Citri mundati,

Iuniperi,

Bombacis mund. ana. drachmam vnam.

Anisi,

Fœniculi,

Cinamomi,

Xyloaloës (aut Santali Citrini)

Macis. ana. drachmam semis.

Fiat Puluis.

Sim-

SIMPLICIOR A NON- nullis sic paratur.

℞ Boli Armeni vnciam semis.
Rad. Tormentillæ drachmas duas.
Angelicæ drach. vnam.
Sacchari ad pondus omnium.
Fiat Puluis.

VTerq. febribus malignis, pestiferis, ac con-
tagiosis potenter resistit, eorumq. insultus re-
primit, spiritus extinguere prohibet, eosdemq. eu-
nidos reparat: sudores euocat, ac pestilentis luis
noxas disijcit.

PVLVIS AD CAL- culum.

℞ Sem. Milij Solis,
Saxifragiæ ana. drachmam vnam.
Lactucæ,
Hyoscyami,
Papaueris albi. ana. scrupulos duos semis.
Quatuor Sem. frigid. maiorum. ana. scru-
pulos duos.
Glycyrrhizæ scrupulos quatuor.
Trochisc. de Halicacabo drach. vnam se-
mis.
Rad. Pimpinellæ,
Sem. Genistæ ana. drach. sem.

Y 4

Sac.

Sacchari vncias duas.

Fiat Puluis.

Datur Nephriticis & Calculosis ad renum
arenulas exturbandas, & ureterum obstru-
ctiōnes leuandas ex aqua Maluæ, aut Ononidis.

PVLVIS AVICENNÆ è cineribus.

✱ Cinerum Vitri,
Scorpionum,
Rad. Brassicæ,
Leporis,
Putamin. ouorum, è quibus pulli
fuerint exclusi,

Lapidis Spongiæ,
Sanguinis hirci præparati,
Lapidis Iudaici,
Gummi Iuglandis,
Acori. ana. drachmam vnam,
Petroselinii,
Dauci,
Pulegii,
Gummi Arabici,
Sem. Althææ,
Piperis nigri. ana. drachmam vnam semis.
Terantur, & simul misceantur.

Priore longè validior, vrinas magis promouet,
& calculos potentius elidit, nec nisi considera-
te usur-

te vsurpandus: qui tamen, ut & prior, nostris raro
est vsui.

Pro Gummate Inglandis quod vix ullibi prostat.
Gummi Cerasorum commodissime substituitur,
etenim calculis vexatos cum vino potum adiu-
uat & ei tenuium partium magna facultas inest.

PVLVIS AD CASVM.

℞ Terræ Sigillatæ, aut Boli Armeni,
Sanguinis Dracouis,
Mumiæ ana drachmas duas.
Spermatis Ceti drach. vnam.
Rhabarbari drachmam semis.

Misce, fiat Puluis.

Propinatur præcipitatis, ruptis, contusis, fra-
ctis, ex vino astringente, vel cui incoxerint,
que stringendi vim habent ut Rose, Balau-
stia, Cytini, Malicorium, Myrti & Rubi ca-
cumina, Sumach, & id genus alia. Hoc vi-
no intincta lintea & expressa, calida laborante
circumuoluta omnem ex ictu & præcipitio offen-
sionem mirifice curant, estq; celebre Hispanis
nec contemnendum remedium. Quidam reli-
qua Simplicia ex Auicenna subdupla Rhabar-
baro faciunt, etsi equalia quoq; esse possint.

PVLVIS AD DEN- tificaricia.

℞ Cornu cerui vsti,
Pumicis,

Y 5

Co-

Coralliorum rubeorum,
Alborum,

Tutiae preparatae,

Moffiches,

Sandaracae, id est, Vernicis.

Cinamomi. ana. drachmam vnam.

Rad. Ireos drachmas quatuor,

Moschi grana sex.

Misce, fiat Pulvis.

M *Vcosos dentes à sordibus purgat eosq̃ deal-
bat ac mundificat, gingivas quoq̃, stringit
& dentium radices obfirmat.*

PVLVIS PRO EPITHE- mate cordis.

℞ Florum Buglossae,

Boraginis,

Melissae. ana. manipulum semis.

Santalorum omnium,

Rosarum rubear. ana. drachmas duas.

Corticum Citri,

Sem. Acetosae,

Ligni Aloës,

Caryophyllorum. ana. drachmam vnam
semis.

Fragmentorum Lapidum pretiosorum om-
nium. ana. drachmam vnam.

Doronici;

Been

Been vtriusque,
Succini seu Charabe.

Ossis de corde cerui. ana. scrupulos qua-
tuor.

Margaritarum præparatarum,

Corallii vtriusq;

Spodii. ana. drachmam semis.

Croci scrupulum semis.

Camphoræ grana sex.

Moschi grana tria.

Trita omnia probè vsui reseruentur.

Mira est eius efficacia in affectibus cordis ei-
usq; palpitatiene, Syncope, & deiectionis pro-
pmodum vitalibus facultatibus: nobilissimum
enim viscus sopitum, & veluti tenebris aut cali-
gine occacatum excitat. Melancholicis, Spleni-
cis, tristibus & desperantibus succurrit, in pesti-
litate cordis spiritus refocillat.

PVLVIS PRO EPITHE- mate hepatis.

☞ Santali rubri,

Albi,

Citrini. ana. vnciam semis.

Rosarum,

Coralli,

Spodii. ana. drachmam vnam.

Camphoræ. scrupulum vnum.

Hepa-

Hepatis inflammationi confert, eiusq^{ue} ex-
estuationem temperat. Adhibetur cum
aqua Endivia, Rosarum, Acetosa, & aceti par-
te aliqua.

PVLVIS GRISEVS CÆ- saris contra pestem

☞ Rad. Pimpinellæ,
Gentianæ,
Tormentillæ,
Serpentariz,
Foliorum Rutæ,
Absinthij,
Nucum Juglandium seu Regiarum.
Granorum Iuniperi,
Aceti Rosati,
Theriace electæ. ana. vnciam vnam.
Misceantur omnia simul.

In præseruatione, & curatione Pestis pluri-
mum valet. Datur à scrupulis duobus ad
quatuor.

Quidam addunt Castorei vnciam semis.

PVLVIS HYTE- RICVS.

☞ Rad. Dictamni albi drach. tres. Zedoariæ
drachmam vnam.

Cort.

Cort. Citri sicci,
 Sem. eiusdem. ana. scrup. duos
 Fragmentorum Lapidum pretiosorum
 omnium. ana. grana duodecim.
 Specier. Diamargariti calid. drachmas
 duas.
 Sacchari albi vnciam vnam.

Fiat Puluis.

VTerinos dolores placat, eiusq; expurgat illu-
 uien. Menses quoq; retardantes & Secun-
 das moram trahentes propellit, animi defectiones
 ob vapores ab utero sublato ortas arcet, ac ma-
 tricis suffocationem abigit.

Pluerem hunc multæ utilitatis & experti
 in muliebribus morbis prædictis iuuamen-
 ti, Clariss. Vir. D. D. Ioan. Vdalricus Rumlerus
 Collega noster obseruandus, ex prætercesso-
 rum nostrorum Pragmaticorum celebri usu
 fidelissimè nobis tradidit.

PVLVIS MARCHIO- nis seu Epilepticus.

✱ Radicum Pœoniæ maris decrescente lunâ
 effossi vnciam semis.

Visci quercini,
 Rasuræ Eboris,
 Vngulæ Alcis,
 Spodii,

Vnl-

Vnicornu, vel eius loco cornu cerui ex
apicibus desumpti,
Corall. rubeorum,
Alborum,
Margaritarum præpar. ana. drachmam vnam.
Folio. Auri puri numero viginti.
Fiat Puluis.

*Prodest hic Puluis Apoplecticis, Epilepticis ac
Incubo laborantibus. Intemperiem cerebri
humidam corrigit, & nocturnos terrores fugat.*

PVLVIS AD NA- salia.

Calaminthæ,
Maioranæ,
Rad. Ireos,
Castorei,
Sem. Nigellæ,
Staphisagriæ. ana. scrupulum vnum.
Hellebori albi,
Pyrethri,
Nucis Moschataæ,
Myrrhæ rubeæ,
Euphorbii. ana. scrupulos duos.

Conterantur singula, deinde cum Labdani
drachmis sex & Melle modico formentur
nasalia.

*Sternutationem potentissime ciunt, ac crassa
per*

per nares pblegmata euocant. Letbargo ac Epilepsie profunt: Catalepticos & attonitos iuuant, sed caute vs vtendum praesertim in corporibus nondum purgatis, ne subita humorum per irritationem tam fortem, praecipitatio, suffocationis re-pentina periculum inferat.

PVLVIS PARTVM prouocans.

⚞ Cinamomi drachmam vnam,
Crocī drachmam semis.
Cassiae lignae verae scrup. duos,
Succini albissimi scrupulum vnum.
Fiat Puluis.

Ad partus labores facilitandos utiliter exhibetur, eosdem namq. accelerat, & foetus exclusionem promouet. Datur ex aqua Liliorum alborū, Consolide regalis, aut alterius consimilis.

ALIVS HELIDEI DE Paduanis.

⚞ Cinamomi,
Crocī. ana. scrupulum vnum.
Boracis scrupulos quatuor.
Detur ex aqua Artemisiae.

Vsitatissimus ac expertissimus quondam erat hic Pulvis Helideo de Paduanis Medico Bononiensi.

noniensis eximio, qui eundem secretum sibi adeo habebat, ut non nisi fidissimis amicis aut praedilectis discipulis eum communicaret.

A Vgetur horum puluerū efficacia, si eis resticulorum equinorum aridorum aut Iulorum, Nucum Iuglandum pulvis admisceatur, quod pro prudentis Medici arbitrio & exigentis necessitatis occasione fieri poterit.

PVLVIS RVBEVS CÆ- saris contra Pe- stem.

Myrrhæ electæ,
Croc. ana. drachmam vnam.
Ossis decorde cerui scrupulos duos.
Cornu cerui drachmas duas.
Dictamni Cretici,
Tormentillæ,
Pimpinellæ,
Gentianæ. ana. drachmas duas, scrupulos
duos.
Zedoariæ,
Zingiberis ana. drach. tres.
Sulphuris viui,
Boli Armeni veri. ana. drachmas quatuor.
Camphoræ scrupulos quatuor.
Theriack Andromachi,

Mithri-

Mithridatij optimi. ana. drachmas sex.
Fiat omnium Pulvis, aspergendo aquæ vitæ
modicum, vt est artis.

In Anno Christi 1572. quo Pests inualuit, nobis
fuit frequentissimus & D. Achilli nostro p. m.
familiaris. Sunt & alia Compositiones plurimæ
Puluerum Alexipharmacorum, de quibus con-
sule Fœsum.

PVLVIS RVBEVS PAN- nonicus.

æ Boli Armeni cum aquâ Rosarum & Aceto-
sæ præparati vncias tres.

Terræ Lemniæ veræ præp. vncias duas.

Corallorum rubeorum præparatorum vn-
ciam dimidiam.

Corallorum alborum præp. drachm. sex.

Lapidum pretiosorum, scilicet. Smaragdi,

Rubini,

Saphyri,

Hyacinthi. ana. drachmas quatuor.

Margarit. præpar. drach. quinque.

Cinamomi electi drach. duas,

Caryophyllorum drach. vnam.

Seminis Acetosæ drach. duas.

Corticum Citri,

Santali albi. ana. drachmam vnam semis.

Santali rubri drachmas duas.

Z

Spoe

Spodij præpa. drach. quinq;
 Rafuræ Eboris drachmas tres.
 Croci Orientalis drach. vnām.
 Unicornu, aut eius loco ossis de corde cer-
 ui drachmas quatuor.
 Foliorum auri purissimi numero quinquaginta.

Fiat omnium Puluis.

A Duerfus pestilentium febrium noxas, & contagiosorum ac venenatorum morborum adorsiones maximè potens est. Datur puerulis & infantibus ubi Variolarum aut morbillorum suspicio adest, eos namq; efficacitè expellit, ac cor à putridi vaporis aut humoris contaminatione tutum reddit. Medicamentum planè Regium, vnicuiq; ætati ac sexui familiare & accommodum. Præbetur cum Syrupo de acredine Citri vel Limonum, & aquà Cardui, Acetose, vel Boraginis.

PVLVIS RVBEVS PAN- nonicus Alter.

☞ Boli Armeni Orientalis præp. vncias duas.
 Terræ Sigillatæ veræ vncias sex.
 Lapidum pretiosorum, scilicet.
 Hyacinthi,
 Saphyri,
 Rubini,

Sma-

Smaragdi lana. vnciam vnam.
Margaritarum præparatarum drachmas
decem.
Spodii præparati,
Rasuræ Eboris. ana. drachmas quinq;.
Coralliorum rubeorum præparatorum
drachmas octo.
Coralliorum alborum præpar. vnciam v-
nam semis.
Rad. Tormentillæ,
Diptami, ana. vncias quatuor.
Vnicornu, aut eius loco cornu cerui drach-
mas sex.
Santali albi drachmam vnam.
Radiciſ Doronici drach. sex.
Seminis Acetosæ drach. duas.
Corticum Citri drachmam vnam, & semis.
Camphoræ drachmas duas.
Pulueriſentur ſingula p̄r ſe, & miſceantur, ad-
dendo foliorum auri numero quinquaginta,
& fiat Puluis.
Si Electuarium velis in forma ſolidâ, ita
parandum erit.
Specierum ſupradictarum vnciâ vnam cum
dimidiâ.
Sacchari albiſſimi vnc. duodecim.
Diſſoluatur Saccharum cum aquâ
Roſarum, & conficiantur rotulæ.

Z z

Eaſdem

E *Asdem quas prior jam dictus vires obtinet, imò valentiores, ob Tormentilla, Diptami, Doronici radices, & Camphoram, quorum quidem occasione sumentibus minus gratus existit, sed plus magis efficax.*

PRO Vnicoru, & osse de corde cerui, substituant aliqui non inconsultò caluariam cerui intra festa Pascharis & Pentecostes capti.

PVLVIS SAXONICVS.

✠ Rad. Valerianæ vnciam semis.

Vincetoxici,

Vrticæ. ana. vnciam vnam.

Polypodii quercini,

Rad. Althææ,

Angelicæ sylvestris. ana. vncias duas.

Angelicæ satiuæ recētis vncias quatuor.

Cort. rad. Laureolæ Germanicæ, quam

Kellerbhalß appellant, vnciam vnam semis.

Radices illæ omnes effodiantur eo tempore quod XV. Augusti & XIII. Septembris intercidit: illæ incisæ reponantur in ollam vitreatam affuso aceto acerrimo, quod duobus digitis radices excedat, tum olla operculo clausa rimæ omnes albo oui cum farinâ subacto diligentè oblinantur, & sic in ollâ ad lentum ignem lenitè omnia bulliant: postea
olla

olla operta abiecto quod redundat aceto radices exiccentur, quoad teri possint: denique contritis omnibus addantur acini herbæ Paris dictæ numero 26 & fiat Pulvis.

Pulvis hic in Saxoniam primum usurpari coepit, Pesti ac venenis quoque assumptis egregie aduersatur, & deleteriorum vires frangit: cuius drachma adultis & validis (alijs enim minor Dosis sufficit) propinatur è vino albo aut alio liquore conueniente. Vide Moibani Parabilia in Dioscorid. lib. 2. cap. 143. ibidem varias descriptiones, & usum reperies.

PVLVIS STERNVTATORIUS,

Maioranz drach vnam semis,
Betonicz,
Pyrethri. ana. drachmam semis.
Hellebori vtriusque. ana.
drachmam vnam.
Pulegij scrupulum vnum.
Fiat Pulvis.

Lentam pituitam, ac phlegma crassum, narium insufflatus vel iisdem affrictus prouocat: cerebrum à tenacibus humoribus purgat, & ossis Ethmoidi obstructiones expedit.

PVLVIS AD STRVMAM

ARNOLDI DE VILLA NOVA.

Z 3

Spoz-

ꝛ Spongiæ combustæ,
 Pilæ marinæ tostæ,
 Ossis sæpiæ,
 Piperis longi,
 Nigri,
 Zingiberis,
 Cinamomi,
 Salis Gemmæ,
 Pyrethri,
 Gallarum,
 Lapidis spongiæ. ana. vnciam vnam.
 Puluerisentur, & misceantur.

Bonium reprimat, ac incipientes colli scrophas
 non tamen malignas discutit: ad strumas in-
 super abolendas reiteratâ sæpius eius assumptione
 feliciter exhibetur.

PVLVIS VIOLARVM odoratus.

ꝛ Iridis Florentinæ vncias sex.
 Rosarum rubrarum vncias quatuor.
 Cyperi drachmam semis,
 Maioranæ,
 Caryophyllorum,
 Styracis. ana. vnciam vnam.
 Beniouin aut Benzoi,
 Santali Citrini. ana. vnciam semis.
 Violarum drachmas tres.

Moschi

Moschi drachmam vnam.

Fiat Pulvis.

Pulvis hic tametsi ad odora menta præstanda
potissimum expetitur, caput tamen extrinse-
cū adhibitus eximie roborat, nec non cordis pal-
pitationi medetur.

ALIQVI EVNDEM sic componunt.

- ✶ Florum Violarum vnciam semis.
 - Rosarum rubearum vncias tres.
 - Benzoini vnciam vnam semis.
 - Styracis Calamitæ,
 - Santali Citrini,
 - Albi. ana. vnciam semis.
 - Rad. Cyperi rotundi,
 - Maioranæ. ana. vnciam vnam.
 - Caryophyllorum drachmas duas.
 - Cinamomi electi drachmas tres.
 - Rad. Ireos Florent. vncias tres.
 - Moschi Alexandrini,
 - Ambre veræ. ana. scrupulum semis.
- Fiat Pulvis crassiusculus.

PVLVIS PRO VLCERI- bus gutturis.

- ✶ Sulphuris viui vncias quatuor.
- Myrrhæ rubre,

Z 4

Alu-

Aluminis Sachar.ana. vncias duas.

Mastiches,

Thuris.ana.vnciam vnam.

Pyrethri drachmas sex.

Fiat pulvis.

¶ Huius Pulueris vnciam vnam.

Vini sublimati libram vnam.

Misce.

Pulvis hic Nosocomio Gallico à multis annis
familiaris, felici successu gutturis antiqua ac
fœda ulcera repurgat, & persanat. Vtebantur eo
quondam D.D. Adolphi Occones August. Medi-
ci, ac subsequentes Illustrium ac Generosorū D.
D. Fuggerorum Xenodochijs prefecti, quibus in
locis ex piâ & munificâ prefati stemmatis D.D.
Fuggerorum fundatione plurimi Syphilide
laborantes vsq. ad plenam sanationem
sustentantur.



MEDI-